

明善堂詩集

明善堂詩集卷二十六目錄

己卯

新正二日早朝試筆

贈廣惠菴上人和壁間韵二首

再和元韵

上陵回重經廣惠菴

春夜雨中拈羊字韵

雨後至園喜成五首

春夜咏案頭海棠

五月初四日廼

明善堂詩集

卷之二十六

目錄

一

王考諱日計違 庭訓垂三十年追慕之餘賦  
以志感

夜月

廿一叔週辰感賦

雨後偕鄂五峯園中閑適賦八韵以贈

晚涼

五峯以佳章見贈走筆和之

蒙

母妃賜千葉蓮敬賦

初秋早起西園道上

和立亭初秋聽曲韻

和立亭秋日園中偶成韻

過烟郊和印上人韻

雨後摘園蔬午飯偶成

中秋前三日奉 舅氏侍

北堂讌卽和韶九表弟韻

中秋後玩月偶成

和韶九七弟秋夜獨歸韻卽贈

和立亭八弟秋宵對月元韻

照君曲和韻

深秋枕上聽雨

深秋雨後摘澹圃瓜蔬贈立亭索韶九和

深秋西軒曉望

重陽後三日和立亭夜坐韻

夜月

九秋望夕

冬夜東韶九立亭索和

臘前四日燈下偶成

盆中水仙

臘後三日喜雪偶成十二韵東鶴亭韶九立

亭索和

雪中待友

明善堂詩集卷二十六 己卯

新正二日早朝試筆

佳氣滿彤庭朝叅尚戴星一枝開玉蕊兩葉紀仙  
冀金押垂青鎖猩帷擁翠輶春風猶料峭殘雪綴  
沙汀

贈廣惠菴上人和壁間韻

招提春早問梅花閒欵禪扉索煮茶獨愛紫衣僧  
自若長松樹下演三車

春到人間萬物欣暖雲芳草氣如薰一聲清磬出

林外車殆馬煩應未聞

再和元韵

出郭循東陌林中見化城境幽靈籟動松老鐸風

輕畫壁看思訓

是日僧以壁間太常李穀齋畫見貽

經函紀永明春

行得勝地頓覺俗情平

上陵回重經廣惠菴

一鞭綺陌初春候穉柳依依綠正榮拂拭紅塵叅

妙緒風旛松影憶琴聲

昔琴僧雪上人住錫于此

路出東林訪勝遊剎那相賞境清幽瞿曇妙旨無



多字花落空山水自流

春夜雨中拈羊字韵

荆扉夕掩下牛羊  
春雨霏微潤衆芳  
明日西郊應更好  
綠波千頃麥風涼

雨後至園喜成五首

芳菲霽色滿林園  
弱柳夭桃景倍繁  
春草萋萋緣石徑  
綠波淼淼繞柴門  
東軒氣暖烘斜照  
西嶺雲收隔短垣  
我亦携家學龐老  
鹿門有約記重論  
小鬟忽報海棠開  
折得新紅映粉顚  
酌爾一杯酬

一曲花前又覺玉山頽

嶙峋窗外列西峯螺子初勻黛色濃雲影山光何處好北湖春水正溶溶

雨足湖光好春風漾漾波半篙沉縹碧百頃皺吳羅鷓鴣飛來數娵隅樂更多紅欄亭子裡著我坐煙蓑

東  
斷橋停畫舫老樹繫青驄載酒隨波去清歌蘭渚

春夜咏案頭海棠

維摩禪榻臥春風積習年來漸覺空誰遣嬌花擾  
清淨一枝低枕玉瓶中

五月初四日廼

王考諱日計違庭訓垂三十年追慕之餘賦以

志感

音容回首渺難攀歲月堂堂去不還執簡未忘當  
日訓遺經猶識舊時刪箕裘無墜縈懷切家國寧  
忘繼緒艱春露秋霜三十載冠裳肅穆淚潛潛

夜月

沉沉清夜柝頻敲幾點疎星挂柳梢明月無心還  
入戶簾鉤不許侍兒拋

廿一叔週辰感賦

如駛流光疾驚心歲忽週書窓空落葉高塚長新  
楸不朽名山業探源靈海儔西風一傷感追憶淚  
難收

雨後偕鄂五峯園中閑適賦八韵以贈

雨後山如拭園林寂不譁柳眠沉碧水花落散晴  
霞巒聳孤亭迴塘迴抱閣斜榜歌聽欸乃漁笛起

蒹葭投分忘賓主清言沁齒牙詩書原接武忠孝  
素承家寶璞成璉器新硎發鏌鋦飛騰應指顧禁  
鬱藉光華

晚涼

吟蟬斷續夕陽天璧月流光照檻前嵐翠遠浮山  
翠棹鏡波新漲水淪漣籬邊宿雨滋蔬圃蘋末清  
風泛酒船最是晚涼亭宇靜坐看縷縷漾茶煙

五峯以佳章見贈走筆和之

池館欣初霽晴雲太液連白鷗浮淥水紫燕掠輕

烟荷淨拭新雨蟬吟噪暮天君懷真灑落笑我學  
頑仙

蒙

母妃賜千葉蓮敬賦

十丈會聞長碧池今看雲錦漾漣漪何當太乙舟  
行處得荷慈親賜一枝

初秋早起西園道上

侵晨憑式出城闔霽景澄鮮爽氣新雨過山容雲  
淡淡風來池面水鱗鱗芙蕖浥露紅初放穠樾盈

疇綠正勻樹杪寒蟬聽又咽動人情思是秋旻

和立亭初秋聽曲韵

一雨澄秋爽芳筵正及晨新聲傳玉竿妙舞起華茵  
巧笑何人並明眸向客親賞心兼樂事佳日好娛賓

和立亭秋日園中偶成韵

桐陰策策拂窓幽極目青山倚畫樓送客音塵同  
社燕感人踪跡似閒鷗寒花戀蝶無端麗零露啼  
蠶有底愁自是君才如屈宋試吟黃葉雨聲秋

過烟郊和印上人韵

小住招提境窻臨紅蓼灘遙峯翠如拭幽磴雨生  
寒佛像隨人禮山花待客看數行題壁字吟興未  
應殘

雨後摘園蔬午飯偶成

秋風吹夜雨綠遍小園蔬薤葉露盈把菰根甲坼  
畚土膏兼鼎味采芼佐鮭菹淡泊明吾志盤餐慶  
有餘

中秋前三日奉



舅氏侍

北堂讌卽和韶九表弟韵

清讌當佳景鈎簾日隱霞  
鯤絃驚碎玉羯鼓令傳  
花壁寫幽人句門停長者車  
月臨秋水靜桂發小山葩  
莫負如澠酒何分主客家  
北堂多喜意燕罷賜名茶

中秋後玩月偶成

已過中秋夜於今分外明  
團圓無點缺皎潔有餘  
清露下征鴻厲風前宿鳥驚  
焚香耽默坐聽盡短

長更

和韶九七弟秋夜獨歸韵卽贈

晚風歷落動簾鉤西嶺明霞罨畫樓遠水靜涵人  
意澹浮雲不礙雁聲秋汝南名士應無忝冀北良  
材孰與儔斜拂吟鞭歸路暝高軒月色正清幽

和立亭八弟秋宵對月元韵

寥廓青冥玉宇寬澄懷相對儘盤桓秋來幾度月  
光滿吟到三更燭影寒白墮有情應共醉緇衣深  
愧勸加餐君才自是雲霄望遮莫高歌行路難

昭君曲和韵

四絃初撥黛初顰  
萬里龍沙不見春  
只爲惜金買  
圖畫却教元帝失佳人

深秋枕上聽雨

更深欹枕雨聲初  
點滴空階隔綺疏  
欲幻莊生夢  
蝴蝶夜涼無寐更何如

深秋雨後摘澹圃瓜蔬贈立亭索韶九和

渺渺雲山佳氣浮  
清晨雨過暢吟眸  
園蔬宛似三  
春景翠甲戎戎澹圃秋

日詩堂詩集 卷之二十一  
傾筐持贈雅人窻猶有青門瓜一雙  
日食萬錢何足計可能高出鹿門龐

深秋西軒曉望

西軒捲幔無窮趣  
秋老園林寂不譁  
殘葉飄零因雨急  
遠山隱見爲雲遮  
菜滋新露初舒甲  
菊近重陽已放花  
自信襟懷澹於水  
碧潭清影雁行斜

重陽後三日和立亭夜坐韵

菊老香殘景倍傷  
西風淅淅灑衣裳  
那堪佳節一彈指  
不負好懷來報章  
搖落漸看山影瘦  
清宵偏

覺漏聲長霜華滿地梧陰減添得窓前分外涼

夜月

已過黃花節盈窓素練明晚烟生羃歷竹影亂縱橫  
卷幔風吹袂傾醪月滿觥誰家深院裏猶作擣衣聲

九秋望夕

水寒木落靜無塵起向中庭月一輪香爇燈殘童子睡  
霜華滿地漏聲頻

冬夜東韶九立亭索和

博山香燼月如銀  
趺坐匡牀自在身  
窗外寒烟一聲鶴  
瓶梅含笑獨生春

臘前四日燈下偶成

僂僂擊鼓响金環  
打徹梅花雪滿山  
已熟松針添夜火  
試嘗柏酒駐朱顏  
寒生軫粟風初冽  
雲淡修眉月半彎  
春色南枝初破臘  
微陽井底自應還

盆中水仙

紙窓竹几淨無塵  
蔽月輕雲賦洛神  
一點檀心韻幽絕  
泥人親見若含顰

臘後三日喜雪偶成十二韵東鶴亭韻九立

亭索和

朔雪凜嚴寒侍直應趨赴紛紛散

金闕片片集鴛鴦

天心兆豐稔阜物因時付觚稜積素塵六出發瓊樹  
退食出東華皚皚滿行路竭來踏西園坡陀閒四  
顧梅萼破新陽蔬甲應愛護兒童塑狡獬蹲伏倍  
生趣金井判圭璋玉峯障雲霧載咏姑射篇更擬  
司馬賦大澤羊裘翁廣庭披氅步爲憶素心人良

夜占星聚

雪中待友

空濛深院靜無譁試聽蕭蕭風竹斜擬折松枝揮  
玉塵未妨簾幙捲銀沙麴生軟足開三徑天女清  
顏散六花共睹豐盈霑

聖澤賓筵佇候使君車



明善堂詩集卷二十七目錄

庚辰

元日試筆

同樂園元夕侍宴歸賦燈詞六首

仲春二日訪韶九不遇旣歸以詩報余次韻

答之

仲春至園偶興

落花四首

清明入直禁中口占

燈下走筆答韶九並索其和四首

初夏韶九以冷香亭詩見贈因題其後二首

內直謝友人贈果

夢

送外舅使禦保府

園中月夜書寄同懷二首

不寐口占

雨後園中閒適

夜雨用韶九夏日雜咏韻四首

秋夜

中元夕宿直東內

初秋過秀岩方丈和壁間 紫瓊叔韻

再和 廿一叔登五華閣韻兼贈秀岩

塞垣馬上口占贈謝履吉

早行

塞上全四兄祝

母妃千秋

塞上咏月

塞垣秋月

塞上贈尹涵亭

秋明兄賜茶

塞上十五夜月索涵亭和

萬柳堂昔廉希憲趙文敏咏歌清讌命姬人  
度曲侑觴至今傳爲佳事今有人云於月  
夜見靚粧女子徘徊橋畔口吟石橋流水  
似當年之句卽之不見時余扈從

木蘭與履吉偶論及此口占以紀

將出木蘭

和人感懷韵三首

塞上山行咏雪和韻三首

題椒亭墨蘭和涵亭韻

塞上題徐生畫

塞上初歸同雲亭涵亭雅集四宜齋

西軒待尹涵亭

待梅

盆梅初放喜東同志卽和來韵四首

和雲亭冬夜元韵

寄情東韶九

雨林雲亭並有恙不果赴約因再賦詩招之

兼示涵亭

冬日過鏡齋兄弟仝尹潤齋樹亭椒亭觀劇

二首

臘前仝鏡齋兄潤齋樹亭椒亭涵亭過四宜

齋看梅西軒觀劇二首

和瓶中蠟梅原韻

冬夜喜涵亭贈魚鱗滄醪因賦二絕以謝

燈下走筆和涵亭贈梅韻四首

西軒對雪有憶咏梅諸友

前題再成長歌

明善堂詩集卷二十七

庚辰

元日試筆

春轉洪鈞動千門曙色明屠蘇頒內史辛菜薦春  
卿花媚書雲候人邀侍宴榮堯莫逢始旦泰運六  
階平

同樂園元夕侍

宴歸賦燈詞六首

鈞天樂奏萬方春火樹燈輪接目新

每於山高水  
長處看烟火

更奏龜茲新樂府虞廷百獸舞華茵

是日演新投  
回人部樂百



戲

璀璨烟光寶樹繁

是夜觀慶豐圖燈會

鳴珂此夕荷

隆恩春風角觝東西極也向堯階獻

至尊

觀厄魯特角觝戲

月鏡交輝素彩流攢星閣下擊銀毬莫誇當日傳

柑勝王會新添貢玉州

連夕張燈觀劇回部亦多在坐

御爐香靄靜無塵拜首彤庭漏正頻歸路但思聞

闔麗不知燈火簇蹄輪

黯黯城上鐘初動

每至禁門始定更

緩轡天街爆竹騰月

照九衢飛白練踏歌聲裡一天燈

入門笑語聲如許洗盞華堂寶炬明已聽九天新  
法曲人間不數繞梁聲

仲春二日訪韶九不遇旣歸以詩報余次韻  
答之

碧雲深處訪君來惆悵東齋對落梅新句忽傳春  
樹外可知都尉是仙才

仲春至園偶興

漠漠春雲釀輕寒薄綺櫳針蒲初刺水線柳欲牽

風春事已如此閒情孰與同  
閉門一尊酒靜待杏花紅

落花

狼藉殘陽下碧墀  
還看飄蕩冒遊絲  
留春不住將歸矣  
逐水無情任所之  
冉冉餘香侵屐齒  
紛紛紅雨點陂池  
參差滿樹皆新綠  
賸有流鶯繞舊枝

其二

露濕燕支滿地凝  
顛風何事更相凌  
翠添屋角顰  
顰發紅隕枝頭處處仍  
金谷飄零稀客賞  
玉欄寂

實爲誰凭年年春暮多惆悵欲化莊生夢未曾

其三

雨過花叢數落英愛吟佳句聽無聲殘芳細檢香  
猶在瘦影臨窻夢欲驚從此深閨人晏起更誰夜  
月客飛觥黃蜂紫蝶渾無賴乳燕鳴鳩空復情

其四

無限芳菲眷落暉枝頭唯見綠陰肥繽紛夾岸迷  
漁父縹緲隨波咏洛妃舞榭迴風揮翠袖紅樓夜  
雨濕霓衣韶光九十須臾事一任狂華滿目飛

清明入直禁中口占

雨霽天凝碧春風滿禁城  
賣餠聲不斷時節正清明

雲霞烘禁籞殿角見山容  
未啜桃花粥先教詩興濃

龍池楊柳嫩眠起帶輕烟  
蹀躞堤邊馬波搖七寶鞭

綺窓遲日暖花氣正薰人  
晝靜簾初捲千門總是春

燈下走筆答韶九並索其和

養花天氣絕輕埃  
取次東風爛熳開  
折得數枝隨東寄  
惜春詩句暗相催

石泉榆火一時新  
底是東坡句有神  
修禊正逢新雨後  
不知春色屬何人

飛花和雨點湘簾  
多少吟情到筆尖  
春草池塘驚遠夢  
窻前新綠一時添

紅藥翻堦映史編  
翠筠繞屋興悠然  
長廊夜夜燒銀燭  
好與花仙伴醉眠

明善堂詩集

卷之二十七

四

初夏韶九以冷香亭詩見贈因題其後

午鐘喚夢倦雙眸旋撥爐香試茗甌珍重貽來冰  
雪句松風亭下憂鳴球

香到梅花韻有餘冷雲侵硯伴瓊琚清吟曾入羅  
浮夢桃李漫山總不如

內直謝友人贈果

綺窓玉砌近蓬萊帖撫林檎午夢回瑪瑙盤中朱  
實滿月明疑有故人來

夢

遽然一枕怯春寒花影沉沉月影殘異境引人剛  
有得仙山變態倏無端任他蕉鹿人間幻誰解醺  
雞甕底看夢亦成真真亦夢本來四大總空觀

送 外舅使禦保府

擁衛鳴鑣出

帝畿忻言

聖主宥前非雨從北至清官道風自南來颭翠旂

天府當關傳古語軍門執策壯新威保陽貔虎如雲

集賭墅投壺任指揮



園中月夜書寄同懷

夜涼如水浸虛空  
疑御冷然列子風  
萬丈秋河低遠樹  
不知身在月明中

玉蕊香殘露氣微  
花陰深處掩朱扉  
知君愛此眠應晚  
吟到清輝玉漏稀

不寐口占

更深園裏月樹杪  
亂縱橫影向湘簾  
入涼從冰簟生

雨後園中閒適

十畝山莊半畝池看花撫樹愛晴時獨憐蠟屐緣  
何淺不得名山徧所之

夜雨用韶九夏日雜咏韻

鸛飛小垵暮雲生風滿書樓暑氣清遠樹捲簾渾  
不辨金蛇掣處澗泉鳴

夜深庭館靜無譁雨作新涼透碧紗燈下幽香含  
潤澤紛紛開遍素馨花

玉軫何勞絃上聲看書遙接古人情沉沉四壁縈  
蛛網簷溜丁丁對短檠

愛閒耽靜似山家石鼎青烟一道斜不用坡公調  
符竹天泉至味試新茶

秋夜

蟲聲唧唧月垂鉤玉宇涼生大火流露冷芙蓉千  
里夢風敲砧杵一天秋雕梁無語燕如客銀漢初  
斜人倚樓一枕匡床眠未得披襟獨坐聽更籌

中元夕宿直東內

禁鼓初傳夜未闌橫斜銀漢漏聲殘月華只隔重  
城夜一樣清輝兩處看

初秋過秀岩上人方丈和壁間 紫瓊叔韻  
松藤繞屋發秋花古木疎篁一徑斜僧以能詩似  
齊己我因問道竟忘家心清十笏閒揮麈塵遠雙  
林索煮茶門外祇容陶謝迹軟紅飛不到袈裟

再和廿一叔登五華閣韵兼贈秀岩上人

五華高閣妙香聞勝地招余不厭頻香染天花飛  
化雨鐘敲遠岫送歸雲昔隨杖屨尋佳句今對銀  
鈎續舊文

昔從 紫瓊  
叔倡和於此

俯仰秋空景如昨翠篁深

處又逢君

塞垣馬上口占贈謝履吉

誰似先生載筆隨  
據鞍顧盼騁班騅  
振衣萬仞峯頭立  
兀自摩挲讀古碑

早行

秋霜被穹廬  
秋雲啣塞嶺  
鳴鏑逐麇麇  
匹練互馳騁

塞上仝四兄祝

母妃千秋

白雲藹藹是蓬萊  
引領西南獻壽杯  
未化雙鳬暫

歸省碧空無際雁徘徊

塞上咏月

寒蟾飛塞上漠漠陣雲收  
野濶清輝淡山空露氣稠  
角聲飄萬里弓影落三秋  
羌地霜威早征人已著裘

塞垣秋月

羶帳排秋日蒼茫悵遠神  
微霜寒入夜孤月冷侵人  
行役歌遊子

高堂念老親御風思陟屺  
遙望石嶙峋

塞上贈尹涵亭

天仗秋山倚翠嵐，驅馳龍塞昔曾諳。臯皮列坐論

文，夜師魯清風入妙談。

尹洙字師魯，宋名臣。

秋明兄賜茶

棣萼情深樂且耽，耽追隨

豹尾攬行驂。分來顧渚

春江味，得似秋空湛露甘。

塞上十五夜月索涵亭和

森森霜氣白如縑，東嶺俄看玉鏡銜。行殿風雲秋

正肅，征人笳鼓夜方嚴。弓懸千帳月初滿，雁過三

山書未緘此夕君詩多至味當於世外得酸鹹

萬柳堂昔廉希憲趙文敏咏歌清燕命姬人  
度曲侑觴至今傳爲佳事今有人云於月夜  
見靚粧女子徘徊橋畔口吟石橋流水似當  
年之句卽之不見時余扈從

木蘭與履吉偶論及此口占以紀

萬柳堂前景物賒玉人錦句隔烟霞不知獨步微

吟者曾是當年解語花

解語花卽歌  
姬劉氏也

將出木蘭



日華堂詩集卷之二十一  
岳樂佳名列塞崑頻探靈境勒征銜

翠華駐蹕溪山勝

層濤飛騰龍虎瞻魚麗乍收如退鷁  
鰲弧初動似歸帆  
三驅止武歌朱鷺草木欣榮萬物咸

和人感懷韻

西風颯颯動鳴笳寥泬長空雁影斜  
落日滿天雲影亂秋岡凭眺盡霜華

別來三見月鉤新永夜難忘  
白髮親想亦深閨  
理刀尺擣衣辛苦寄征人

秋老丹楓十月初霜寒木落渺愁予夜深氍毹燈

添穗朝接封函兩字書

是日得平安家信

塞上山行咏雪和韻

貂裘驄馬踏岩阿雪意山容引興多詩思輸他驢

背上隴頭春色費吟哦

滕六霏霏正暮秋玉峯截嶠冷風颼獵回毡帳寒

砭骨卽取清醅對雪酬

荒野西風動暮笳關雲隴樹思無涯故園空作菜

囊戲辜負東籬陶令花

題椒亭墨蘭和涵亭韻

九畹名花淺淡妝  
墨痕宛欲擷餘芳  
淋漓滿幅垂  
秋露雅稱詩人製  
芟裳

塞上題徐生畫

一幅生綃豁遠眸  
嵐光樹色抱山樓  
烟霞深處懸  
圖畫犖嶮行騰勝  
臥遊

塞上初歸同雲亭涵亭雅集四宜齋

四圍風色勁客至促開樽  
木以經霜飽人如挾纈  
溫盍簪多雋義揮塵接清言  
剪燭襟懷剖情深儼

季昆

西軒待尹涵亭

叉手閒吟倚畫屏  
香清茶熟一燈青  
不知遊屐經何處  
翹首空瞻屋角星

待梅

美人林下報新粧  
消息初傳度暗香  
竹几紙窓清絕處  
微吟淺酌伴昏黃

盆梅初放喜東同志卽和來韻

佳句雲藍絕點塵  
銀鉤奕奕墨痕新  
香含屈宋風

流甚可與梅花作主人

開到孤芳韻自幽  
歲寒相對可忘憂  
嶺頭更有閒風月  
清興輸他猿鶴儔

坐擁紅爐獸炭圍  
春光幾點洩空帷  
誰能得似江南客  
手拗寒香插帽歸

暗香生處月勾留  
碧瓦凝霜夜氣稠  
氈帳猩帷偏旖旎  
湖光山色也風流

和雲亭冬夜元韵

白社因緣喜再逢  
地爐煑茗話初冬  
吟殘藝苑三

秋雨聽徹經樓午夜鐘江海爲懷真浩落雲霞結  
想自春容黃花開後稀佳會未免於今詩興慵

寄情東韶九

沉沉院宇風初息裊裊爐薰睡起慵十二朱欄閑  
立遍夕陽無語下高春

雨林雲亭並有恙不果赴約因再賦詩招之  
兼示涵亭

有約客未至吟懷花滿軒遣疴劉庶子消渴馬文  
園勝事期樽俎新詩共討論擘箋重促駕掃徑待

諸昆

冬日過鏡齋兄第全尹潤齋樹亭椒亭觀劇  
筵前紅豆度新詞檻外迴風舞絮遲座有周郎時  
顧曲引商刻羽妙如斯

弟勸兄酌各盡觴主賓交舄滿華堂梨園小部翻  
新意在昔龜年莫擅場

臘前全鏡齋兄潤齋樹亭椒亭涵亭過四宜  
齋看梅西軒觀劇

江梅消息傳幽徑標格從來最瘦癯未必西園能

勝此龍眠圖自欠工夫

蓓蕾初開別有情重簾深護暗香生笑余漸老判

花筆風月而今讓尹卿

潤齋卽席  
和余前作

和瓶中蠟梅原韻

鐵骨檀心爾獨能禪龕雪案韻偏勝鉛華却換黃  
金色靜裡寒香伴佛燈

冬夜喜涵亭贈魚鱗滄醪因賦二絕以謝

香醇仙釀碧葡萄得得携來興自豪便欲與君同  
泛棹左持杯竿右持螯



簾外風吹雪意濃  
短檠相對自雍容  
詩成却憶滄洲客  
一酌流霞醉碧峯

燈下走筆和涵亭贈梅韻

梅花吟句費工夫  
欲擬寒香孰似乎  
好是綺窓新有月  
可曾解語破顏無

冰姿應占百花先  
酌酒相酬春色妍  
我欲品題吟麗句  
南枝香比御爐烟

羅浮仙子最清臞  
雲護瑤階月掩襦  
珍重莫教吹玉笛  
天寒翠袖影還孤

黃昏纖月照銀鈎爛熳春光不可留翠幕深藏風  
料峭更容殘夢到羅浮

西軒對雪有憶咏梅諸友

同雲壓樹鳥驚飛傾刻西峯失翠微鴛瓦參差銀  
作屋虬松偃蹇玉成圍光凝素魄猩幃冷香滿瓊  
枝綠萼肥我欲擘箋徵郢曲旗亭豪興定無違

前題再成長歌

北風蕭蕭雲布濩瑤英歷落穿林度如鹽如絮劇  
霏霏碧瓦朱甍初著堊捲帷披氎倚西楹西崦橫

斜紛積素爬沙窳窳點雲窓  
淅瀝紛糅綴瓊樹誰其更作黃竹歌  
興來欲續梁園賦江頭漁父失漁磯  
山間樵子忘樵路九重雲物屢徵書  
三輔倉箱富禾秬天遣滕六勑遺蝗  
麥秀兩岐歌五袴

明善堂詩集卷二十八目錄 辛巳

新正雪後試筆

和卞幽畚元旦試筆韻

花朝後三日西軒全內子對雨偶成

雨後逢雪再成四首

雪霽西軒遙望喜成一律

壽內大兄

贈張監六十

至園夜雨

夏日閑園偶興二首

夏日園居好二首

瓶花

烹茶

調鶴

飼魚

自題荷花扇贈內弟

園居夜月五首

秋日西軒卽興

重陽喜秋明四兄贈菊酒佳肴口占奉謝二  
首

重九後二日禁庭宿直和韶九韻

澹圃卽景聯句

雲林書屋晚坐聯句

秋燈

秋雁

秋葉

答韶九七表弟

暮秋西軒偶興索友人和

題紅葉

夢中偶吟截句旣醒書之

初冬月下口占

喜雪

雪中和蔗洲來韵二首

明善堂詩集卷二十八

辛巳

新正雪後試筆

瑞色盈庭砌椒盤獻頌新和風舒陌野晴雪點池濱  
爆竹辭殘臘梅花事早春慶雲佳氣滿絲筆紀芳辰

和卞鹵畬元旦試筆韻

清時萬彙樂春熙况值堯階舞戚時紀瑞已徵周  
太史歌功還詠栢梁詩

栢梁詩云日月星辰和四時今歲太史奏元日五星

聯珠日月合璧



花朝後三日西軒全內子對雨偶成

簾護春寒香霧重  
褰帷時雨幸三農  
綠凝芳草含

情淺紅點天桃潤  
色濃襪襖社翁占  
歲稔

適值社日鋤

犁田父慶時雍  
西軒同賞風光好  
無限韶華爾我  
共

雨後逢雪再成

濃陰數日雲垂幕  
纔換春衣又怯寒  
黃柳夭桃都未  
坼誰教庭樹着冰  
純

不妨幽處漫相加  
雨後遙山半未遮  
羸得當前好

景色杏花枝上綴梅花

初回午夢靜吾廬簾外寒輝積玉除堪笑兒童亂  
相擬何來飛絮太紛如

旋疎旋密影翩翩曲沼方塘任意填寒入書幃憑  
仗酒醉看雲濕暮春天

雪霽西軒遙望喜成一律

半窓雨雪喜新晴西望遙山素影橫幾疊玉巖藏  
黛色數枝琪樹露春榮光依谷口寒猶歛泉滴溪  
頭韻亦清饒我開襟當爽氣西軒雲物不勝情

壽內大兄

春光如綺敞瓊筵公子芳年過我年寶鼎焚香同

馥馥花枝弄影自蹁跹秦簫雙奏聯霄鳳

大兄有賢妻美

妾華嶽齊開並蒂蓮欲借霞觴遙祝爾如山如阜

正綿綿

贈張監六十

喜爾辛勤久於今絳甲聞同儕爭遺酒携杖合鄉  
文淡過凌霜菊閒全出岫雲老成誰得似矍鑠逾  
超羣

至園夜雨

天衣雲一桁布濩掩疎星驟雨來山徑輕烟結翠  
屏晚涼初浴罷欹枕夢魂醒玉漏同簷滴脩脩滿  
戶庭

夏日閑園偶興

閑把綸竿度晝長雨餘濃綠滿方塘心清喜近鷗  
翻處風動新荷五月涼

一雨園林寂不譁蓼汀深處隱鳴蛙暗香何處通  
幽境別院初開茉莉花

夏日園居好

夏日園居好晨興盥漱餘境幽多意趣人靜見清  
虛坐對栖梁燕行看唼水魚綠陰堪避暑雅興自  
如如

夏日園居好肩輿退食回松陰雲滿地草色綠成  
堆花影篩湘簾香清戰茗杯偶來隨鶴步携杖獨  
徘徊

瓶花

軍持供淨几汲水貯名芳硯北標奇勝窻中結妙

香寄情惟好句相賞對清觴底事維摩室天花作  
道場

烹茶

玉泉傳勝地脩綆汲清流活火纔三沸雲腴注一  
甌幾時藏麥果此日解釵頭任爾嘲風景花前興  
頗幽

調鶴

刷羽沿溪立清音達九臯乘軒非所志從宦亦徒  
勞警露知時節穿雲藉羽毛閒吟招隱句野客太

情高

飼魚

消閒臨曲沼遣興飼遊魚競食波搖岸跳珠碧濺  
裾錦鱗穿荇藻修尾動芙蓉微物知人意洋洋每  
顧予

自題荷花扇贈內弟

玉井峯頭第一枝囑君應贈美人持芙蓉樓畔垂  
楊下馬上相逢障面時

園居夜月

一更園裏月羣動漸無譁  
乍向高樓見林深集晚  
鴉

二更園裏月水竹夜清虛  
何處吹羌管風前楊柳  
疎

三更園裏月當午玉繩低  
松影圓如蓋寒蟬夜半  
啼

四更園裏月流影下迴廊  
雲際雁聲遠池塘冷度  
香

五更園裏月星淡失南箕  
鄰寺鐘初動餘輝在水



湄

秋日西軒卽興

流光彈指又深秋晴色西軒好放眸學圃試栽松  
百畝飽霜惟種橘千頭詩成笑共妻賡和酒熟聞  
招友勸酬隨分而安知自足閉門高枕復何求

重陽喜

秋明四兄贈菊酒佳肴口占奉謝

芳鮮美醞喜分甘佳節登臨欲並驂遠勝白衣傳  
韻事提壺空擬到城南

不須絲竹載吳船何必風流落帽顛嘉會此時多

少興孔懷把酒思悠然

重九後二日禁庭宿直和韶九韻

新晴暮雨墮殘陽  
禁闥頻生袖履香  
佳節已虛陶令社  
看書喜廁紫琳房  
觚稜月上閑青瑣  
陞戟星明靜畫廊  
此際漏聲聽未寢  
試拈筠管和前章

澹圃卽景聯句

雲林景物最涵清韶九  
望裏秋山翠黛縈  
岸幘嘯

歌楓未落

蕨洲

憑欄目送雁南征  
生憎弦管撓清

興

秀亭

甚愛吟詩作主盟  
他日繪圖成故事

韶九

前賢何獨擅佳名

蕉洲

雲林書屋晚坐聯句

璫瓏月色照雲林

韶九

刻燭聯吟夜影沉  
風定幽

花藏睡蝶

秀亭

霜飛錦樹集棲禽  
薰爐結篆縈琴

薦

韶九

明鏡凌空聽杵砧  
欲寄綵雲無覓處

秀亭

美人秋水意何深

韶九

秋燈

風定清光映畫廊  
熒熒孤焰伴更長  
星明露冷不知曙  
助我書堂一味涼

秋雁

浙瀝商飈振沙磧  
寥梢夜雨宿蘆汀  
雪羅不憚吳山遠  
寫破遙天萬里青

秋葉

屏顏幾疊寫荆關  
點染秋林照水灣  
一夜青霜飛樹杪  
滿山濃翠盡爛斑

答韶九七表弟

猩幃日下已初冬  
秣馬膏車何處逢  
美爾沆雲書閣裏  
月華詩思澹溶溶

暮秋西軒偶興索友人和

暮秋新霽後  
暝色歛遙岑  
斜月窺虛閣  
寒風送遠砧  
雁行橫碧落  
蛩語絮桐陰  
濯足思湘漢  
丹楓已染林

題紅葉

滿山斛葉似猩紅  
霞彩遙添夕照烘  
乘興更須携蠟屐  
彤牋應索杜陵翁

夢中偶吟截句旣醒書之

吟鞭未敢叩朱扉  
縹緲穿雲入翠微  
水態山容人

跡少天風吹送馬蹄歸

初冬月下口占

水月漾清輝空涵若冰雪卽此悟無生團圓可共  
悅

喜雪

積素盈堦踏玉塵阿誰掃巷喜迎賓粉垣忽訝新  
如望碧瓦俄看色作銀竹葉漫傾劉氏酒梅花應  
勝党家人由來共識豐年瑞會有詞臣頌

紫宸

雪中和蔗洲來韵

朝慵閉戶畏嚴寒一枕匡床意覺安獨有蔗洲最  
瀟灑懷人偏喜雪漫漫

清聲淅瀝壓松枝六出紛紛宿麥滋啟牖一尊延  
白戰遲君矍鑠賦新詩

明善堂詩集卷二十九目錄

壬午

立春日示珩琅曼三子

春日晤汪易堂

暮春於澹圃看桃花和蕨洲韵四首

春夜寄友二首

奉

母如賞花再集靜嘯軒

題筠庭詞後兼步星巖韵二首

小詩送筠庭往鎮伊犁用以誌別



題青雷畫

初夏漫興

四月望後時雨初晴同汪易堂西園登眺望  
西山霽景卽和易堂韻

咏木香

梅雨初霽木香盛開折呈

經畬主人廼承

雅意命朱青雷補繪橫枝一幅各題佳句見贈  
洵韻事也因書卷尾二斷句

倒和連環

次

經畚主人詠歸雁韵二首

和汪易堂西苑道中雨晴元韵

園居步月索易堂和

閑居消夏索易堂和十首

和易堂園居步月韵

夏日偶吟示易堂

和汪易堂月夜原韵

秋明四兄五旬詩以祝之

雨霽納涼和易堂韻

題畫冊五首

和蔗洲韻四首

偕秀厓上人易堂泛舟園中卽事次秀厓韻

瓶蘭

蘭二首

瓶荷

荷二首

初秋早起池上

題李振文詩卷

冬夜有感

題蔣氏錢孺人節孝

對雪次易堂謝墨韻

和易堂長至前一日雪霽韻

題盆中小松

晤李振文孝廉示易堂

和張雲汀冰床韻卽題其後卷二首

明善堂詩集卷二十九

壬午

立春日示珩琅曼三子

今日正初春盤中薦五辛  
雪飄占歲稔時阜自天  
申綵勝盈朱戶金花列錦茵  
雁行欣有秩學禮更知新

春日晤汪易堂

閑坐芳園風度香遲遲  
春日漸舒長鸚傳煮茗日  
當午正晤汪生號易堂

暮春於澹圃看桃花和蔗洲韵

膏雨敷朱已十分花鬚柳眼正紛紛更延枚叟開  
芳讌不覺高吟到暮曛

何似春江第一枝舞衫歌扇手重披風流宛似秦  
淮好莫漫飄零逐浪移

一抹晴霞結暮烟紅酣綠鞞最嬌妍小窻不用聞  
絲竹自酌流霞勝舞筵

日暮吟成倒玉山春光九十破愁顏莫須誤認仙  
源路亂點胭脂水一灣

春夜寄友

搏髀彈箏擘阮絃

是日演秦聲  
夜復南詞

爲歡況值早春天

遲君莫負今宵景秉燭還應效昔賢

雅調清歌月墮時春寒輕籠碧桃枝浪淘千古詞

雖好不及風情楊柳詞

聽東坡赤壁之詞

奉

母妃賞花再集靜嘯軒

春融花暖競芬芳喜得

慈顏樂且康最是板橋重過處竹苞松茂繞書堂

題筠庭詞後兼步星巖韵

紅豆輕拈綺繡揚清才豈獨佐巖廊六么絃奏清  
音遠譜出新詞字亦香

風雪旌門昔建牙饒歌朱鷺雜箏琶邊聲一夜吹  
寒月旆帳如聞蔡琰笳

仲春送筠庭往鎮伊犁用以誌別

折柳長征杖節旄將軍大旆擁弓刀 恩承奕葉  
勲名重澤布遐陬志畧高萬里開疆勞馬足六鈞  
底定藉戎弢驪歌重叠難爲別淚灑清樽濕錦袍

題青雷畫



蘿薜垂高枝重巒望中迥梵唄響空山一龕燈耿  
耿

初夏漫興

一春花事已闌刪又值清和景物閒落絮簾前風  
冉冉飛英檻外水潺潺穿林紫燕蹁躚舞擲柳黃  
鸝睨睨還梅雨晴時天氣好西峯遙露半烟鬟

四月望後時雨初晴同汪易堂西園登眺望  
西山霽景卽和易堂韻

一雨凝朝靄澄輝物象鮮登臨挹岫色注目矚巒

烟散步晴莎軟披襟茂樹連遙山濃染黛纖柳態  
聯娟地脈雄千襖朝宗滙百川雲中分北貉督亢  
接南燕天府開雙闕神京壓九邊鬱葱三輔列環  
衛百靈躔覽勝宜雙屐尋芳適小輶澄懷消永日  
賡唱喜忘年共指清明境都成圖畫懸藝蘭欣結  
社種玉喜成田我樂棊樽伴人看度陌阡

園中種  
麥作田

野致長吟當首夏梅熟雨餘天

咏木香

蓓蕾側離披青條帶露垂不隨穠李艷差勝素馨

姿粉態情元淡清芬韵自奇臨風搖曳處宜譜雪  
兒詞

梅雨初霽木香盛開折呈

經畬主人廼承

雅意命朱青雷補繪橫枝一幅各題佳句見贈  
洵韵事也因書卷尾二斷句

初晴梅雨浥芳塵開向籬邊曉露新折贈反邀君  
雅意瑤章粉本兩傳神

妙手清裁倩寫生剡藤滑笏一枝橫案頭不用燒

沉水花氣詩情比杜蘅

倒和連環

風微露冷月娟娟環佩空歸意黯然楊柳清歌非  
舊日石橋流水似當年

蟾影清清凝望處微步凌波自來去石橋流水似  
當年梵宇沉沉鐘欲曙

粉蝶殘霞結暮烟石橋流水似當年誰將化鶴歸  
華表唯有沙鷗相背眠

石橋流水似當年往事風流近日蠲欲折荷花吟

七字玉鳬金雁鎖寒烟

次

經畚主人詠歸鴈韵 二首

桃花浪暖度衡陽楊柳風微返北鄉  
曉霧龍沙迷朔漠晚烟漁浦夢瀟湘  
春波漫衍魚龍宇瑤島班聯鵲鷺行  
我欲援琴賡古調晴空嚦嚦興偏長

一一銜蘆亦解謀數聲叫破旅人愁  
雨深戢翼棲沙浦風勁呼羣過白溝  
幾處金笳催大漠一聲玉笛傍高樓  
天衣漫誌碑中語雲影禪心幻碧流

秋右

雁用米海嶽天  
衣碑懷公語也

和汪易堂西苑道中雨晴元韵

千章夏木望中齊  
杳靄烟光鎖碧溪  
分浪遊魚爭撥刺  
啣泥翔燕舞高低  
亂翻雲脚雨歸岫  
無限夕陽風滿堤  
知爾耽吟閑指點  
綠陰門巷句重題

易堂

路經海淀  
筠庭別墅

園居步月索易堂和

起步中庭月松梢露清迥  
長笛寫悲涼人在菰蒲  
町聞易堂  
吹笛  
新茗煮玉泉味與醍醐等  
澄波澹空明

寄興泛烟艇

閑居消夏索易堂和

隔波石徑仄縮版架橫杠野鶴漁磯立丹砂影自  
雙

守分勉童僕安樂對妻子退食自雍容心閒清似  
水

西峯銜半景小坐藉漁舟自少風波意何須江海  
遊

盆榴花艷艷梁燕語喃喃更好新晴後遙峯潑翠

嵐

午夏臥閒堂筠簾透松影冉冉風度香心清塵慮

屏

俯鑒碧潭清一雨襟抱爽挹彼山際雲注此天容

廣

軒窓面面開時有薰風送垂柳碧於絲一枝蜩始

美

片雲倏開合半失溪邊樹蕭蕭白雨來驚起蘆汀

鷺



荷葉大於槃  
齒苞發紅玉  
乘閒凭曲欄  
欲看鴛鴦浴

愛此夏日長  
披襟清興發  
匡床自徜徉  
呼童櫛元髮

和易堂園居步月韵

涼颼吹柳岸  
步履水灣環  
山色晚逾碧  
蒼髯高可攀  
月光涵下上  
雲影任飛還  
羌筵知何處  
清音古木間

夏日偶吟示易堂

西峯雨過黛烟橫滿院桐陰綠正盈翡翠飛來復  
飛去鶉鳩呼雨又呼晴蛙鳴兩部汀蒲長鶴唳一  
聲天宇清靜臥匡床人意遠鉤輞山鳥不知名

和汪易堂月夜原韵

晚峯晴色接蒼旻染徧烟螺雨後新小板橋頭花  
掩映枳籬屏外水漣淪松間孤月堪爲友檻畔羣  
山可作鄰垂柳陰中橫釣艇儼如汀浦釣魚人

秋明四兄五旬詩以祝之

滿泛流霞酌玉卮升堂無以祝兄詞筵間色笑

金鷲茂膝下崢嶸珠樹奇學本東平惟好善年如  
伯玉已無疵班衣迭舞壘篴奏慶衍箕疇岳降時

雨霽納涼和易堂韻

清晨綴朝班日昃就歸沐門靜可張羅心跡殊世  
俗園居十餘畝隨意自不忤積雨長莓苔石逕波  
詰曲雲霞弄夕姿映水光可掬蓴蓴菱苳蘋浮沉  
漂浸淥高樹噪新蟬濃陰聲斷續鳴鶴其在陰相  
和異凡族鴛鴦戢其翼有鷺尾斯禿會心魚鳥樂  
詎必在濠濮性復愛吟哦亦不較工琢芟汙通三

父繫舟堪縱目青蛙鳴兩部白鷺拳一足風荷正

翩翩岸柳時起伏柴門臨水開茅亭倚山麓

流杯亭

昔賢觴咏地此景疇能復試泉效文饒竊笑畢

卓攬衣登坡陀飛梁橫獨木少焉雲出岫驟雨風

翻谷彷彿米顛筆淋漓展大軸欹枕憇北窓瑤函

任意讀蝶粉褪花房饑鳥下堦啄蒹葭誦伊人棗

竹咏淇澳晚霽或仰觀月乃臨畢宿

宸衷切民瘼霖雨毋過數鼃登曷在木鴻漸幾于陸

但願十日晴歡忻聆部屋吾廬尙高廣深夏不知

燠維昔有佳名而今成卜築一水達御溝朝宗

愜所副佳章爲揚確一一可稽錄

揆愷功查悔餘湯西崖諸集倡

和頗盛

汪子擅風雅吟興肯教獨新詩憂球音何必

絲與竹松蔭臥桃笙清風來謾謾

### 題畫冊

垂楊拂漁磯遙映山巒嶸沽酒人未還輕舟風自  
振

白雲橫山腰亦復下山足著我松風亭石溜調琴

曲

結茅山之陲翠色圍窓蔭槭槭剪霜飈丹楓落已甚

危亭接太虛雲氣凌飛鳥振衣步層巔獨立人縹緲

山色翠微連閒雲遮復斷應識此中人長歌白石爛

和蔗洲韵

桃葉桃根往事悠含情眉黛迴添愁東風吹遍閑池館何處穠華掩翠樓

淡蕩輕陰料峭寒朝來風雨捲簾看殷勤翠袖餘  
香襲倚遍朱闌十二干

渡頭楊柳蘸波寒愁對王孫陌上看芳草有情緣  
底事綠茵如許繞江干

花貌爭傳似楚娃尋春踏遍小弓鞦細腰宮裡情  
何限紅雨朝朝拂玉階

偕秀厓上人易堂泛舟園中卽事次秀厓韵  
東林結社幽應共遠公遊淡蕩追韋曲高吟效庾  
樓佳章麗雲漢機石志牽牛吸盡西江水云何折

葦舟

清景隨吾適紅塵任往來  
波涵池面綠山遠黛眉  
開境寂沙禽集雲閑野鶴猜  
還同休夏日三徑任  
蒿萊

瓶蘭

逸韵真吾友清芬幾几生  
軍持頻剪注伴我坐書  
城

蘭

九畹曾歌楚些數鼓却伴琴  
心點綴文窻幽景一



枝折贈知音

試插銅瓶置案頭  
綠窻朱戶最清幽  
知君香國稱王者  
末麗山梔總徹侯

瓶荷

亭亭泥不滓  
裊裊出華池  
折向清齋裡  
閒繡貝葉詞

荷

西子粧臨波鏡  
太真浴罷乘風綠  
鬟參差水殿紅  
肌掩映紗櫳

一朶千金綻露芳半含笑口半含香紅酥融頰嬌  
無語畢竟丰姿勝六郎

初秋早起池上

秋水秋山秋樹林秋風庭院景沉沉露凝花氣荷  
塘曉雲度松梢石壁陰已覺沈寥天宇迥漸看搖  
落塞垣深

將往  
木蘭

朱欄倚處情何限聽盡涼蟬斷續

吟

題李振文詩卷

李子清吟朗若秋西崑風調玉溪儔綠蘋擬薦湘

中草紅雨還憐扇底愁攬轡奚囊裁錦繡吐詞黃  
絹擅風流一編偶向齋頭見鄴下重推應與劉

冬夜有感

霜冷風嚴閉戶初焚香展卷在吾廬雞窓試檢新  
題句馬券重臨舊蹟書月吐疎林人寂寂夢回紙  
帳意如如年來漸覺耽禪悅積習還期一掃除

題蔣氏錢孺人節孝

卅載辛勤志不更松筠獨抱歲寒情漫同朗月憑  
虛淨何似澄江見底清課子興償夫夙願療姑那

惜婦餘生

鶴書褒顯垂千古誌乘爭看已勒銘

對雪次易堂謝墨韵

天公玉戲施奇功竹枝搶地松蒙戎玉樓將頽銀  
海眩夢回警報趨山童披裘起玩風正厲霏霏細  
響來雙聰狂歌炙硯興正劇淋漓大筆何其雄粘  
簾入隙鋪玉屑梨花柳絮將無同林巒翠阜忽遮  
斷繪素頃刻煩天工阿誰狡獪偏好事形塩作狀  
光熊熊中庭琪樹勿剪伐高樓碧瓦增磨礱忽思  
前月居塞上衝寒射虎持雕弓銀驄注坂若飛練

白羽一發如星虹歸來作詩示汪子空拳白戰君  
難窮

和易堂長至前一日雪霽韻

萼梅初報一枝紅瑞雪清宵霽遠空風定綺窓寒  
凜冽月明雕檻玉玲瓏漸看繡線量初晷將試葭  
灰律轉融獨倚瘦藤閒指點昏黃樓閣淡雲籠

題盆中小松

低枝含古秀老榦欲凌空曾向金華見何來石盎  
中焚香疑霧靄照影寫蒙戎天矯南榮下迎寒敵

歲功

晤李振文孝廉示易堂

晴簷雀啅靜無塵忽訝南枝索笑新  
授簡庭中延蜀客巾車門外報嘉賓  
會吟老桂攀雲表更賦長楊獻紫宸  
彈指東皇花信至西園遲爾賞芳辰  
和張雲汀冰床韻卽題其後卷

架木真同不繫舟平鋪霜影任遨遊  
憑河豈懼洪波渡載雪還疑夜月秋  
萬頃琉璃泛明鏡一夫牽挽踏寒流  
何須更索山陰棹訪戴因之興自悠

徜徉欲坐勝輕舟形似匡床可臥遊載酒最宜三尺雪乘風何待一帆秋燕南趙北紅塵滿楚尾吳頭碧玉流遙憶浮槎張博望冷吟閒醉興悠悠